

Na osnovu Odluke Vlade Hercegovacko – neretvanskog kantona o izmjenama Odluke o dodjeli koncesije za obavljanje elektroprivredne djelatnosti proizvodnje, prijenosa i distribucije električne energije za tri elektroenergetska objekta - solarna fotonaponska elektrana "SLIPČIĆI I", solarna fotonaponska elektrana "SLIPČIĆI II " i solarna fotonaponska elektrana "SLIPČIĆI III" na lokalitetu Slipčići , područje Grada Mostara (broj:01-1-02-2682/22 od 12.10.2022.godine), te na osnovu člana 31. Zakona o koncesijama Hercegovacko – neretvanskog kantona („Službene novine HNK“, broj: 1/13, 7/16, 6/18, 9/19 i 1/21)

VLADA HERCEGOVAČKO - NERETVANSKOG KANTONA (u daljem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: I.D. 4227310410003, koju zastupa ministar privrede Hercegovacko - neretvanskog kantona Željko Laketić

i
privredno društvo PLAVO SUNCE d.o.o. Čitluk, , Gospodarska zona Tromeda II broj 3, Međugorje, Čitluk, identifikacijski broj društva JIB: 4228049790002 kojeg zastupa direktor društva Barbarić Marinko (u daljem tekstu: Koncesionar)

dana _____ godine, zaključili su

ANEKS II UGOVORA O KONCESIJI
za obavljanje elektroprivredne djelatnosti proizvodnje, prenosa i distribucije električne energije za tri elektroenergetska objekta – solarna fotonaponska elektrana „SLIPČIĆI I“, solarna fotonaponska elektrana “SLIPČIĆI II “ i solarna fotonaponska elektrana “SLIPČIĆI III”, na lokalitetu “Slipčići”, područje Grada Mostara

Član 1.

Ovim Aneksom, Koncesor i Koncesionar su se usaglasili da izvrše izmjenu osnovnog teksta Ugovora o koncesiji i to kako slijedi:

Član 1. Ugovora mijenja se i glasi :

„Ovim ugovorom (u daljem tekstu : Ugovor) Koncesor dodjeljuje Koncesionaru koncesiju za obavljanje elektroprivredne djelatnosti proizvodnje, prijenosa i distribucije električne energije za šest elektroenergetskih objekata i to:

FNE “PLAVO SUNCE 29”, instalisane snage 990 kW na k.č. broj: 894/48 (novi premjer k.č. 2995/2) K.O. SLIPČIĆI

FNE “PLAVO SUNCE 30”, instalisane snage 990 kW na k.č. broj: 894/49 (novi premjer k.č. 2995/3) K.O. SLIPČIĆI

FNE “PLAVO SUNCE 31”, instalisane snage 990 kW na k.č. broj: 894/50 (novi premjer k.č. 2995/4) K.O. SLIPČIĆI

FNE “PLAVO SUNCE 32”, instalisane snage 990 kW na k.č. broj: 894/53 (novi premjer k.č. 2995/5) K.O. SLIPČIĆI

FNE “PLAVO SUNCE 33”, instalisane snage 990 kW na k.č. broj: 894/52 (novi premjer k.č. 2995/6) K.O. SLIPČIĆI

FNE “PLAVO SUNCE 34”, instalisane snage 990 kW na k.č. broj: 894/51 (novi premjer k.č. 2995/7) K.O. SLIPČIĆI.”

Član 2.

(1) Odlukom o izmjenama Odluke o dodjeli koncesije za obavljanje elektroprivredne djelatnosti proizvodnje, prijenosa i distribucije električne energije za tri elektroenergetska objekta - solarna fotonaponska elektrana "SLIPČIĆI I", solarna fotonaponska elektrae "SLIPČIĆI II " i solarna fotonaponska elektrana "SLIPČIĆI III" na lokalitetu Slipčići , područje Grada Mostara izmjenjena je visina jednokratne koncesione naknade za svaku pojedinačnu fotonaponsku elektranu i iznosi 4.032,32 KM (slovima: četirihiljadetrdesetdvijekonvertibilne marke i 32/100), što ukupno iznosi 24.193,92 KM.

(2) Jednokratna koncesiona naknada iz stava (1) ovog člana umanjuje se za iznos od 9.489,54 KM, koji je Koncesionar ukupno uplatio zaključno sa danom zaključenja ovog Aneksa na ime ispunjenja obaveze iz člana 9. osnovnog Ugovora.

(3) Preostali dio jednokratne koncesione naknade koji iznosi 14.704,38 KM (slovoma: četrnaestihiljadestotinačetiri konvertibilne marke i 38/100) Koncesionar je dužan platiti u roku od 15 dana od dana zaključenja ovog Aneksa.

(4) Garancija plaćanja jednokratne koncesione naknade iz stava (3) ovog člana je bezuslovna bankarska garancija na prvi poziv u iznosu 14.704,38 KM sa rokom važenja jednakim roku plaćanja naknade plus dodatnih tri mjeseca nakon isteka ugovorenog roka, a koju je Koncesionar dužan dostaviti u roku od tri dana od dana zaključenja ovog Aneksa.

(5) U slučaju da Koncesionar ukupan iznos jednokratne koncesione naknade iz stava (3) ovog člana uplati prije isteka roka za dostavu bankarske garancije iz stava (4) ovog člana, Koncesionaru prestaje obaveza dostave te bankarske garancije.

Član 3.

U članu 11. Ugovora stav (1) mijenja se i glasi:

„(1) Tekuća (godišnja) koncesiona naknada za korištenje obnovljivih izvora i obavljanje

djelatnosti (TKN) obračunavat će se za svaku pojedinačnu fotonaponsku elektranu, prema formuli: $TKN = 0,03 \times GBP \times 0,05 \times 11,25$.

0,03-faktor grane djelatnosti, za oblast, iskorištavanje obnovljivih izvora energije, GBP – godišnji bruto prihod ostvaren korištenjem predmeta koncesije, (proizvod ostvarenog kapaciteta proizvodnje električne energije (kWh) i važeće otkupne cijene električne energije (KM/kWh)).

11,25 - zbir svih dopunskih kriterija, (za svaku pojedinačnu elektranu iznosi 11,25)

0,05- koeficijent korekcije tekuće (godišnje) naknade.”

Član 4.

U članu 16. riječ tri zamjenjuje se riječju šest.

Član 5.

Ostale odredbe osnovnog Ugovora ostaju nepromijenjene.

Član 6.

(1) Ovaj Aneks se sklapa u 8 (osam) istovjetnih primjeraka od kojih dva primjerka zadržava Koncesor, a jedan primjerak Koncesionar.

(2) Po jedan primjerak Ugovora dostavit će se: Ministarstvu finansija Hercegovačko - neretvanskog kantona, Općinskom sudu u Mostaru, Kantonalnom javnom pravobranilaštvu i Gradu Mostaru, u roku od 8 dana od dana njegovog zaključivanja.

Član 7.

Aneks stupa na snagu danom potpisivanja objiju ugovornih strana.

KONCESIONAR
PLAVO SUNCE d.o.o Čitluk

Direktor

Marinko Barbarić

KONCESOR
Vlada Hercegovačko -neretvanskog kantona

Ministar

Željko Laketić

Broj: _____

Broj: 02a)-13-510/22-